

● 周秦文化研究书系 ●



周秦伦理文化 资料汇编


ZHOUQIN LUNLI WENHUA ZILIAO HUIBIAN

王 磊 编



陕西师范大学出版总社有限公司

周秦伦理文化



资料汇编

王 磊 编



陕西师范大学出版总社有限公司

图书代号 ZH11N0724

图书在版编目(CIP)数据

周秦伦理文化资料汇编 / 王磊编. —西安:陕西师范大学出版
总社有限公司, 2011. 7

ISBN 978 - 7 - 5613 - 5639 - 5

I. ①周… II. ①王… III. ①伦理学 - 中国 - 先秦时代
IV. ①B82 - 092

中国版本图书馆 CIP 数据核字(2011)第 122370 号

周秦伦理文化资料汇编

编 者 / 王 磊
责任编辑 / 雷永利 安 雄
责任校对 / 安 雄
封面设计 / 鼎新设计
出版发行 / 陕西师范大学出版总社有限公司
(西安市长安南路 199 号 邮编 710062)
网 址 / <http://www.snupg.com>
经 销 / 新华书店
印 刷 / 陕西金德佳印务有限公司
开 本 / 787mm×960mm 1/16
印 张 / 10
字 数 / 158 千
版 次 / 2011 年 7 月第 1 版
印 次 / 2011 年 7 月第 1 次印刷
书 号 / ISBN 978 - 7 - 5613 - 5639 - 5
定 价 / 20.00 元

读者购书、书店添货如发现印刷装订问题,请与本社高教出版分社联系调换。
电话:(029)85303622(兼传真) 85307826

编者的话

先秦时期是中国思想史上的一个黄金时代。这个时代留下的思想智慧不仅像乳汁一样滋养了中华民族,而且成为全人类的宝贵精神财富。从西周开始产生,到春秋战国呈百家争鸣、百花齐放局面的伦理文化,对后世的影响极为深远,并由此形成了东方文化重道义、重和谐、重包容的显著特色。继承和发扬周秦伦理文化的优秀传统,对于我们今天的精神文明建设有着重要的意义。

编选这本资料书的目的,是想为周秦伦理思想的研究和教学人员以及中国传统文化爱好者减少一点翻检之劳,为有志于深入研究周秦伦理文化的同志提供一点线索。

本书资料选自学界公认的先秦典籍,也有个别出自汉代但保存先秦史料较多的书,如刘向的《说苑》等。

本书不作校勘注译,只选择当前较为通行、质量较好的版本,从中摘录原文;也不对各家学说作任何评论,只给读者提供原始材料。

作为专题资料汇编,本应完整准确,但因本人学养不足,只能就读书所及,尽力而为,疏漏不当之处一定不少,还望方家批评指正。

王 磊

2011年4月于宝鸡文理学院

目 录

金文	1
逸周书	3
尚书	5
周易	6
诗经	8
论语	9
孟子	27
荀子	52
孝经	65
礼记	68
老子	81
庄子	85
文子	97
管子	105
晏子春秋	110
商君书	112
慎子	117
韩非子	118
墨子	126
孙子兵法	132
孙臆兵法	133

鬼谷子	134
左传	135
国语	137
楚辞	138
吕氏春秋	140
战国策	145
说苑	146
参考文献	149
后记	151

朕令(命),克拜顙首,敢对扬天子不(丕)显鲁休,用乍(作)朕文祖师华父宝鬻彝,克其万年无疆,子子孙孙永宝用。——《殷周金文集成》

6.《叔向父禹簋》 叔向父禹曰:余小子司(嗣)朕皇考,肇帅并(型)先文祖,共(恭)明德,秉威义(仪),用鬯(申)鬯(恪)、莫保我邦、我家,乍(作)朕皇祖幽大叔尊毳,其严在上,降余多福、繁孳(釐),广启禹身,勛(擢)于永令(命),禹其迈(万)年永宝用。——《殷周金文集成》

7.《弁季良父壶》 鬯(弁)季良父乍(作)鬯始(姒)尊壶,用盛旨酉(酒),用享孝于兄弟、闻(婚)顙(媾)、者(诸)老,用祈勾眉寿,其万年,霁(灵)冬(终)难老,子子孙孙是永宝。——《殷周金文集成》

8.《中山王𠔁方壶》 唯十四年,中山王𠔁命相邦𠔁(貯)择郾(燕)吉金,铸为彝壶,节于醴(裡)醴,可𠔁(法)可尚(常),以乡(飧、享)上帝,以祀先王,穆穆济济,严敬不敢怠(怠)荒,因载所美,邵亥(跋)皇工(功),詆(诋)郾(燕)之讹,以愍(愍)嗣王,唯朕皇祖文、武,赳(桓)祖、成考,是又(有)𠔁(纯)德遗罔(训),以𠔁(施)及子孙,用唯朕所放(仿)慈孝寰(宣)惠,𠔁(举)𠔁(贤)使能,天不臭(斲)其又(有)𠔁(愿),使得𠔁(贤)在(士)良𠔁(佐)𠔁(貯),以輔相厥身,余智(知)其忠諫(信)旃,而𠔁(专)𠔁(任)之邦,氏(是)以游夕(閑)饮𠔁(宁)又(有)𠔁(懃)𠔁(惕),𠔁(貯)渴(竭)志尽忠,以𠔁(佐)右(佑)厥𠔁(辟),不𠔁(貳)其心,受𠔁(任)𠔁(佐)邦,夙夜𠔁(匪)解(懈),进𠔁(贤)散(措)能,亡又(有)𠔁(常)息,以明𠔁(辟)光,𠔁(适)曹(遭)郾(燕)君子𠔁(吟),不顾大宜(义),不𠔁(旧)者(诸)侯,而臣宝(主)易立(位),以内绝邵(召)公之业,乏其先王之祭祀,外之则𠔁(将)使𠔁(上)勤于天子之庙,而退与者(诸)侯齿𠔁(长)于𠔁(会)同,则𠔁(上)逆于天,下不𠔁(順)于人旃,寡人非之,𠔁(貯)曰:为人臣而返(反)臣其宝(主),不祥莫大焉,𠔁(将)与𠔁(吾)君并立于𠔁(世),齿𠔁(长)于𠔁(会)同,则臣不忍见旃,𠔁(貯)𠔁(愿)从在(士)大夫,以请(靖)郾(燕)疆,氏(是)以身蒙幸(皋)𠔁(胄),以𠔁(诛)不𠔁(順),郾(燕)旃(故)君子𠔁(吟),新君子之,不用𠔁(礼)宜(仪),不顾逆𠔁(順),旃(故)邦亡身死,曾亡𠔁(一)夫之救,述(遂)定君臣之𠔁(位),上下之𠔁(体),休又(有)成工(功),𠔁(创)辟封疆,天子不忘其又(有)𠔁(策)赏仲父,者(诸)侯皆贺,夫古之圣王,𠔁(务)在得𠔁(贤),其即得民,旃(故)𠔁(辞)𠔁(礼)敬,则𠔁(贤)人至,厘(陟)𠔁(爱)深,则𠔁(贤)人𠔁(亲),𠔁(作)𠔁(中),则庶民𠔁(附),于(乌)𠔁(乎),允𠔁(哉)若言,明亥(跋)之于壶而时观焉,祇祇翼邵告后嗣,唯逆生祸,唯𠔁(順)生福,载之𠔁(简)𠔁(策),以戒(诫)嗣王,唯德𠔁(附)民,唯宜(义)可𠔁(长),子之子,孙之孙,其永保用亡疆。——《殷周金文集成》

逸周书

1. 四征：喜、乐、忧、哀。动之以则，发之以文，成之以名，行之以化。六极：命、听、福、赏、祸、罚。六极不羸，八政和平。八政：夫妻、父子、兄弟、君臣。八政不逆，九德纯恪。九德：忠、信、敬、刚、柔、和、固、贞、顺。——《逸周书·常训解》

2. 厚德广惠，忠信爱人，君子之行。不为骄侈，不为靡泰，不淫于美，括柱茅茨，为爱费。山林非时不升斤斧，以成草木之长；川泽非时不入网罟，以成鱼鳖之长；不麝不卵，以成鸟兽之长。畋渔以时，童不夭胎，马不驰骛，土不失宜。——《逸周书·文传解》

3. 九德：一孝。子畏哉，乃不乱谋。二悌。悌乃知序，序乃伦；伦不腾上，上乃不崩。三慈惠。兹知长幼。知长幼，乐养老。四忠恕。是谓四仪。风言大极，意定不移。五中正。是谓权断，补损知选。六恭逊。是谓容德。以法从权，安上无慝。七宽弘。是谓宽字。准德以义，乐获纯嘏。八温直。是谓明德。喜怒不郅，主人乃服。九兼武。是谓明刑。惠而能忍，尊天大经。九德广备，次世有声。——《逸周书·宝典解》

4. 九行：一仁、二行、三让、四言、五固、六始、七义、八意、九勇。

九丑：思勇丑忘、思意丑变、思治丑乱、思固丑转、思信丑奸、思让丑残、思行丑顽、思仁丑衅。

九德：一忠，二慈，三禄，四赏，五民之利，六商工受资，七祇民之死，八无夺农，九足民之财。——《逸周书·文政解》

5. 泉深而鱼鳖归之，草木茂而鸟兽归之。称贤使能，官有材而士归之；关市平，商贾归之；分地薄敛，农民归之。水性归下，农民归利。王若欲求天下民，先设其利，而民自至，譬之若冬日之阳、夏日之阴，不召而民自来。此谓归德。五德既明，民乃知常。——《逸周书·大聚解》

6. 周公再拜稽首曰：“臣闻之文考，能求士□者，智也；与民利者，仁也；能收

4 周秦伦理文化资料汇编

民狱者,义也;能督民过者,德也;为民犯难者,武也。智能亲智,仁能亲仁,义能亲义,德能亲德,武能亲武。五者昌于国曰明,明能见物,高能致物,物备咸至曰帝。帝乡在地曰本,本生万物曰世,世可则曰至。至德照天,百姓曰惊;备有好丑,民无不戒……”——《逸周书·本典解》

尚 书

1. 帝曰：“契！百姓不亲，五品不逊。汝作司徒，敬敷五教，在宽。”——《尚书·舜典》

2. 帝曰：“夔！命汝典乐，教胄子，直而温，宽而栗，刚而无虐，简而无傲。诗言志，歌永言，声依永，律和声。八音克谐，无相夺伦，神人以和。”——《尚书·舜典》

3. 皋陶曰：“都！亦行有九德，亦言其人有德。乃言曰：载采采。”

禹曰：“何？”

皋陶曰：“宽而栗，柔而立，愿而恭，乱而敬，扰而毅，直而温，简而廉，刚而塞，彊而义，彰厥有常，吉哉！日宣三德，夙夜浚明有家；日严祗敬六德，亮采有邦。翕受敷施，九德咸事，俊乂在官，百僚师师，百工惟时。抚于五辰，庶绩其凝。无教逸欲，有邦兢兢业业，一日二日万几。”——《尚书·皋陶谟》

4. 无偏无陂，遵王之义。无有作好，遵王之道。无有作恶，遵王之路。无偏无党，王道荡荡；无党无偏，王道平平；无反无侧，王道正直。——《尚书·洪范》

5. 六，三德：一曰正直，二曰刚克，三曰柔克。平康，正直；强弗友，刚克；夔友，柔克。沈潜，刚克；高明，柔克。——《尚书·洪范》

周 易

1. 乾道变化,各正性命。保合大和,乃利贞。首出庶物,万国咸宁。

《象》曰:“天行健,君子以自强不息。”——《周易·乾》

2. 元者,善之长也;亨者,嘉之会也;利者,义之和也;贞者,事之干也。君子体仁足以长人,嘉会足以合礼,利物足以和义,贞固足以干事。君子行此四德者,故曰:乾,元、亨、利、贞。——《周易·乾》

3. “君子终日乾乾,夕惕若,厉,无咎。”何谓也?子曰:“君子进德修业。忠信,所以进德也;修辞立其诚,所以居业也。知至至之,可与言几也。知终终之,可与存义也。是故居上位而不骄,在下位而不忧。故乾乾因其时而惕,虽危无咎矣。”——《周易·乾》

4. 地势坤,君子以厚德载物。——《周易·坤》

5. 积善之家,必有余庆;积不善之家,必有余殃。臣弑其君,子弑其父,非一朝一夕之故,其所由来者渐矣,由辩之不早辩也。《易》曰:“履霜,坚冰至。”盖言顺也。——《周易·坤》

6. 阴虽有美,含之;以从王事,弗敢成也。地道也,妻道也,臣道也。地道无成而代有终也。——《周易·坤》

7. 刚柔交错,天文也;文明以止,人文也。观乎天文,以察时变;观乎人文,以化成天下。——《周易·贲》

8. 天在山中,大畜;君子以多识前言往行,以畜其德。——《周易·大畜》

9. 枯杨生稊,老夫得其女妻,无不利。——《周易·大过》

10. 老夫女妻,过以相与也。——《周易·大过》

11. 枯杨生华,老妇得其士夫,无咎无誉。——《周易·大过》

12. 枯杨生华,何可久也?老妇士夫,亦可丑也。——《周易·大过》

13. 女正位乎内,男正位乎外,男女正,天地之大义也。家人有严君焉,父母之谓也。父父,子子,兄兄,弟弟,夫夫,妇妇,而家道正。正家而天下定

矣！——《周易·家人》

14. 富有之谓大业，日新之谓盛德。生生之谓易。——《周易·系辞上传五》

15. 天地之大德曰生，圣人之大宝曰位。何以守位？曰仁。何以聚人？曰财。理财正辞，禁民为非，曰义。——《周易·系辞下传一》

16. 穷则变，变则通，通则久。——《周易·系辞下传二》

17. 子曰：“小人不耻不仁，不畏不义，不见利不劝，不威不惩。小惩而大诫，此小人之福也。《易》曰：‘履校灭趾，无咎。’此之谓也。”善不积不足以成名，恶不积不足以灭身。小人以小善为无益而弗为也，以小恶为无伤而弗去也。故恶积而不可掩，罪大而不可解。《易》曰：“何校灭耳，凶。”——《周易·系辞下传五》

18. 君子上交不谄，下交不渎。——《周易·系辞下传五》

19. 子曰：“颜氏之子，其殆庶几乎！有不善未尝不知，知之未尝复行也。”——《周易·系辞下传五》

20. 作《易》者，其有忧患乎？是故履，德之基也；谦，德之柄也；复，德之本也；恒，德之固也；损，德之修也；益，德之裕也；困，德之辨也；井，德之地也；巽，德之制也。——《周易·系辞下传七》

21. 夫乾，天下之至健也，德行恒易以知险；夫坤，天下之至顺也，德行恒简以知阻。——《周易·系辞下传十二》

22. 有天地，然后有万物；有万物，然后有男女；有男女，然后有夫妇；有夫妇，然后有父子；有父子，然后有君臣；有君臣，然后有上下；有上下，然后礼义有所错。——《周易·序卦传二》

诗 经

1. 相鼠有体，人而无礼。人而无礼，胡不遄死？——《诗经·邶风·相鼠》

2. 芝麻如之何？衡从其亩。取妻如之何？必告父母。

析薪如之何？匪斧不克。取妻如之何？匪媒不得。——《诗经·齐风·南山》

3. 伐柯如何？匪斧不克。取妻如何？匪媒不得。——《诗经·幽风·伐柯》

4. 乃生男子，载寝之床，载衣之裳，载弄之璋。其泣喤喤，朱芾斯皇，室家君王。

乃生女子，载寝之地，载衣之裼，载弄之瓦。无非无仪，唯酒食是议，无父母诒罹。——《诗经·小雅·斯干》

5. 父兮生我，母兮鞠我。拊我畜我，长我育我，顾我复我，出入腹我。欲报之德，昊天罔极。——《诗经·小雅·蓼莪》

6. 成王之孚，下土之式。永言孝思，孝思维则。

媚兹一人，应侯顺德。永言孝思，昭哉嗣服。——《诗经·大雅·下武》

7. 威仪孔时，君子有孝子。孝子不匮，永锡尔类。——《诗经·大雅·既醉》

8. 肃肃王命，仲山甫将之。邦国若否，仲山甫明之。既明且哲，以保其身。夙夜匪解，以事一人。

人亦有言：“柔则茹之，刚则吐之。”维仲山甫，柔亦不茹，刚亦不吐；不侮矜寡，不畏强御。——《诗经·大雅·烝民》

论 语

1. 子曰：“学而时习之，不亦说乎？有朋自远方来，不亦乐乎？人不知而不愠，不亦君子乎？”——《论语·学而》

2. 有子曰：“其为人也孝弟，而好犯上者，鲜矣；不好犯上，而好作乱者，未之有也。君子务本，本立而道生。孝弟也者，其为仁之本与！”——《论语·学而》

3. 子曰：“巧言令色，鲜矣仁！”——《论语·学而》

4. 曾子曰：“吾日三省吾身：为人谋而不忠乎？与朋友交而不信乎？传不习乎？”——《论语·学而》

5. 子曰：“道千乘之国，敬事而信，节用而爱人，使民以时。”——《论语·学而》

6. 子曰：“弟子，入则孝，出则弟，谨而信，泛爱众，而亲仁。行有余力，则以学文。”——《论语·学而》

7. 子夏曰：“贤贤易色，事父母，能竭其力；事君，能致其身；与朋友交，言而有信。虽曰未学，吾必谓之学矣。”——《论语·学而》

8. 子曰：“君子不重则不威，学则不固。主忠信。无友不如己者。过则勿惮改。”——《论语·学而》

9. 曾子曰：“慎终追远，民德归厚矣。”——《论语·学而》

10. 子禽问于子贡曰：“夫子至于是邦也，必闻其政，求之与？抑与之与？”子贡曰：“夫子温、良、恭、俭、让以得之。夫子之求之也，其诸异乎人之求之与？”——《论语·学而》

11. 子曰：“父在，观其志；父没，观其行；三年无改于父之道，可谓孝矣。”——《论语·学而》

12. 有子曰：“礼之用，和为贵。先王之道斯为美，小大由之。有所不行，知和而和，不以礼节之，亦不可行也。”——《论语·学而》

13. 有子曰：“信近于义，言可复也；恭近于礼，远耻辱也；因不失其亲，亦可

宗也。”——《论语·学而》

14. 子曰：“君子食无求饱，居无求安，敏于事而慎于言，就有道而正焉，可谓好学也已。”——《论语·学而》

15. 子贡曰：“贫而无谄，富而无骄，何如？”子曰：“可也。未若贫而乐，富而好礼者也。”子贡曰：“《诗》云：‘如切如磋，如琢如磨。’其斯之谓与？”子曰：“赐也，始可与言《诗》已矣！告诸往而知来者。”——《论语·学而》

16. 子曰：“不患人之不己知，患不知人也。”——《论语·学而》

17. 子曰：“为政以德，譬如北辰，居其所而众星共之。”——《论语·为政》

18. 子曰：“道之以政，齐之以刑，民免而无耻；道之以德，齐之以礼，有耻且格。”——《论语·为政》

19. 子曰：“吾十有五而志于学，三十而立，四十而不惑，五十而知天命，六十而耳顺，七十而从心所欲，不逾矩。”——《论语·为政》

20. 孟懿子问孝。子曰：“无违。”樊迟御，子告之曰：“孟孙问孝于我，我对曰‘无违’。”樊迟曰：“何谓也？”子曰：“生，事之以礼；死，葬之以礼，祭之以礼。”——《论语·为政》

21. 孟武伯问孝。子曰：“父母唯其疾之忧。”——《论语·为政》

22. 子游问孝。子曰：“今之孝者，是谓能养。至于犬马，皆能有养；不敬，何以别乎？”——《论语·为政》

23. 子夏问孝。子曰：“色难。有事，弟子服其劳，有酒食，先生馔，曾是以为孝乎？”——《论语·为政》

24. 子曰：“君子不器。”——《论语·为政》

25. 子贡问君子。子曰：“先行其言，而后从之。”——《论语·为政》

26. 子曰：“君子周而不比，小人比而不周。”——《论语·为政》

27. 季康子问：“使民敬、忠以劝，如之何？”子曰：“临之以庄，则敬；孝慈，则忠；举善而教不能，则劝。”——《论语·为政》

28. 或谓孔子曰：“子奚不为政？”子曰：“《书》云：‘孝乎惟孝，友于兄弟，施于有政。’是亦为政，奚其为为政？”——《论语·为政》

29. 子曰：“人而无信，不知其可也。大车无輹，小车无轨，其何以行之哉？”——《论语·为政》

30. 子曰：“非其鬼而祭之，谄也。见义不为，无勇也。”——《论语·为政》

31. 子曰：“人而不仁，如礼何？人而不仁，如乐何？”——《论语·八佾》

32. 林放问礼之本。子曰：“大哉问！礼，与其奢也，宁俭；丧，与其易也，宁戚。”——《论语·八佾》

33. 子曰：“周监于二代，郁郁乎文哉！吾从周。”——《论语·八佾》

34. 子贡欲去告朔之饩羊。子曰：“赐也，尔爱其羊，我爱其礼。”——《论语·八佾》

35. 定公问：“君使臣，臣事君，如之何？”孔子对曰：“君使臣以礼，臣事君以忠。”——《论语·八佾》

36. 子谓《韶》，“尽美矣，又尽善也。”谓《武》，“尽美矣，未尽善也。”——《论语·八佾》

37. 子曰：“居上不宽，为礼不敬，临丧不哀，吾何以观之哉？”——《论语·八佾》

38. 子曰：“里仁为美。择不处仁，焉得知？”——《论语·里仁》

39. 子曰：“不仁者不可以久处约，不可以长处乐。仁者安仁，知者利仁。”——《论语·里仁》

40. 子曰：“唯仁者能好人，能恶人。”——《论语·里仁》

41. 子曰：“苟志于仁矣，无恶也。”——《论语·里仁》

42. 子曰：“富与贵是人之所欲也，不以其道得之，不处也；贫与贱是人之所恶也，不以其道得之，不去也。君子去仁，恶乎成名？君子无终食之间违仁，造次必于是，颠沛必于是。”——《论语·里仁》

43. 子曰：“我未见好仁者，恶不仁者。好仁者，无以尚之；恶不仁者，其为仁矣，不使不仁者加乎其身。有能一日用其力于仁矣乎？我未见力不足者。盖有之矣，我未之见也。”——《论语·里仁》

44. 子曰：“人之过也，各于其党。观过，斯知仁矣。”——《论语·里仁》

45. 子曰：“朝闻道，夕死可矣。”——《论语·里仁》

46. 子曰：“士志于道，而耻恶衣恶食者，未足与议也。”——《论语·里仁》

47. 子曰：“君子之于天下也，无适也，无莫也，义之与比。”——《论语·里仁》

48. 子曰：“君子怀德，小人怀土；君子怀刑，小人怀惠。”——《论语·里仁》

49. 子曰：“放于利而行，多怨。”——《论语·里仁》

50. 子曰：“能以礼让为国乎？何有？不能以礼让为国，如礼何？”——《论语·里仁》

51. 子曰：“参乎！吾道一以贯之。”曾子曰：“唯。”子出。门人问曰：“何谓也？”曾子曰：“夫子之道，忠恕而已矣。”——《论语·里仁》

52. 子曰：“君子喻于义，小人喻于利。”——《论语·里仁》

53. 子曰：“见贤思齐焉，见不贤而内自省也。”——《论语·里仁》

54. 子曰：“事父母几谏。见志不从，又敬不违，劳而不怨。”——《论语·里仁》